

法苑珠林卷第九千佛

高九

唐西明寺沙門釋道撰

出胎部第五八部

述意部

迎后部

感瑞部

誕孕部

招福部

降邪部

同應部

校量部

述意部第一

敬思定光授記逆號能仁玄符合契故託化

釋種萌兆於未形之前跡孚於已生之後照  
炳人天聯綿曠劫其爲源也遂乎勝矣所以

神形六動方行七步五淨雨華九龍灑水神  
瑞畢臻吉徵總萃觀諸百代曾未之有然後  
孕異堯軒產殊禹契至如黑帝入夢之兆白  
光滿室之徵徒曰嘉祥詎可擬議身邊則光  
色一丈眉間則白毫五尺開巴字於目前躡  
千輪於足下大略以言三十有二非可以龍  
顏虎鼻八采雙瞳方我妙色較其升降者也

迎后部第二

如佛本行經云爾時菩薩聖母摩耶懷孕善  
薩將滿十月垂欲生時時彼摩耶大夫人父

善覺長者即遣使人詣迦毗羅淨飯王所又

云夫人父名善智奏大王言如我所知我女  
摩耶王大夫人懷藏聖胎威德既大若彼產  
出我女命短不久必終我意欲迎我女摩耶  
還我安止住於嵐毗尼中共相娛樂盡父子  
情惟願大王莫生留難乞垂哀愍遣放女來  
我家產訖即遣送還時淨飯王聞善覺使作  
是言已即勑有司其迦毗羅城及提婆陀河  
兩間之中平治道路具辦旛華種種音樂儀  
從人物不可稱計送妃至家自外云

感瑞部第三

如普曜經云太子滿十月已臨產之時先現  
瑞應三十有二一後園樹木自然生果二陸  
地生青蓮華大如車輪三陸地枯樹皆生華  
葉四天神牽七寶交露車至五地中二萬寶  
高九藏自然發出六名香好熏遍布遠近七雪山  
中出五百白師子羅住城門無所妨害八五  
百白象子羅住殿前九天爲四面細雨澤香  
一十其王宮中自然泉水百味飲食給諸虛  
渴十一諸龍王女在虛空中現半身住十二

天萬玉女抱孔雀拂現宮牆上十三諸天王  
女持萬金瓶盛甘露住虛空中十四天萬玉  
女手執萬瓶皆盛香水行住虛空十五天萬  
玉女手執幢蓋而住侍焉十六諸天玉女羅  
列而住鼓百千樂在於虛空自然相和十七  
四瀆江河清澄不流十八日月宮殿停住不  
進十九佛宿下侍諸星衛從二十交露寶帳  
普覆王宮二十一明月神珠懸於殿堂光明  
晃煜二十二宮中燈火爲不復明二十三篋  
笥衣被被在施架二十四奇珍瓊瑤一切寶

藏自然出現二十五毒蟲隱藏吉鳥翔鳴二  
十六地獄皆休妻痛不行二十七地爲大動  
丘墟皆平二十八四衢街巷平正散華二十  
九諸深坑塹悉皆爲平三十漁獵怨惡一時  
慈心三十一境內孕婦產者悉男龍盲瘡痘  
瘡殘百疾皆悉除愈三十二一切樹神半身  
高九三出現低首項禮是爲三十二瑞當此之時疆  
場左右莫不雅奇歎未曾有

誕孕部第四

如因果經云菩薩處胎垂滿十月身諸支節

及以相好皆悉具足夫人憶入園遊觀王勑後官端正采女凡有八萬四千以用侍摩耶夫人又擇取八萬四千端正童女賚持香華往藍毗尼園王又勑諸群臣百官夫人皆悉隨從於是夫人即升寶輦與諸官屬及采女

前後導從往藍毗尼園爾時復有天龍八部亦皆隨從充滿虛空十月滿足於四月八日日初出時夫人見後園中有一大樹名曰無憂華色香鮮枝葉分布極為茂盛即舉右手欲牽摘之菩薩漸漸從右脇而出菩薩處胎經云佛告彌勒當知汝復受記五十六億七千萬歲於此樹王下成無上等正覺我以右脇生汝彌勒從頂生如我壽百歲彌勒壽八萬四千歲我國土土汝國土金我國土菩汝國土樂

又依菩薩本行經云爾時菩薩見母立地以手攀樹枝時在胎正念從坐而起自餘一切諸衆生母欲生子時身體遍痛受大苦惱數坐數起不能自安其菩薩母熙怡坦然身受大樂是時摩耶夫人立地以手執波羅叉樹

枝訖即生菩薩此是菩薩希奇之事未曾有  
法表如來得成於佛已無疲勞倦能拔一切  
諸煩惱根割斷一切諸煩惱結猶如截於多  
羅樹頭畢竟不生無相無形無後生法此是  
如來往先瑞相

高九

又復一切諸衆生等生苦逼故在於胎內處  
處移動菩薩不然從右脇入還住右脇在於  
胎內不曾移動及欲出時從右脇生不爲衆  
苦之所逼切此是菩薩未曾有事表成佛已  
盡其後際修行梵行永無有畏常得快樂無

復諸苦又菩薩初從母胎右脇正念生時放  
大光明悉皆遍照此是菩薩未曾有事表成  
佛已裂破無明黑暗之網能出明淨大智慧  
之光又菩薩初從右脇出已正心憶念時菩  
薩母身體安常不傷不損無瘡無痛菩薩母  
身如本無異此是菩薩未曾有法表成佛已  
行於梵行不缺不減具足不少又菩薩初從  
母胎出時無苦無惱安庠而起一切諸穢不  
能污染不同衆生譬如如意瑠璃之寶用於  
迦戶迦衣裏時各不相染此是菩薩未曾有

法表成佛已在於世間住於世間示希有法  
世間穢濁不汙不染又菩薩初從母胎出時  
時天帝釋將天細妙橋尸迦衣襍於自手於  
先承接擎菩薩身此是菩薩未曾有法表成  
高九

五

教不違不背又菩薩生已立在於地仰觀於  
母右脇之時口作是言我此身形從今日後  
不復更受於母脇中不入胎卧此是於我最  
末後身我當作佛此是菩薩未曾有法表成  
佛已口作是言我今生分一切已盡梵行已

請如來說法又菩薩初從右脇生時四大天  
王抱持菩薩將向母前示其母言世大夫人  
今可歡喜夫人生子既得人身諸天猶尚歡  
喜讚歎況復於人此是菩薩未曾有法表成  
佛已無量四衆皆向如來聽受於法依如來

立所作已辦不受後有此是如來往先瑞相  
又涅槃經云菩薩初生之時於十方面各行  
七步摩尼跋陀富那跋陀鬼神大將執持幡  
蓋振動無量無邊世界金色晃曜彌滿虛空  
難陀龍王及跋難陀以神通力浴菩薩身諸

天形像承迎禮拜阿私陀仙合掌恭敬盛年  
捨欲如棄涕唾不爲世樂之所迷惑出家修  
道樂於閑寂爲破邪見六年苦行於諸衆生  
平等無二心常在定初無散亂相好嚴麗莊  
飾其身所遊之處丘墟皆平衣服離身四十  
不墮行時直視不顧左右所食之物物無完  
過坐起之處草不動亂爲調衆生故往說法  
心無憍慢

招福部第五

如因果經云太子生時于時樹下亦生七寶

七莖蓮華大如車輪菩薩即便墮蓮華上無  
扶侍者自行七步大善權經云行七步舉其  
者爲應七覺意耶右手而師子吼云我於一切天人之中最尊  
最勝無量生死於今盡矣說是語已時四天  
王即以天繒接太子身置寶机上釋提桓因  
手執寶蓋大梵天王又持白拂侍立左右難  
陀龍王優波難陀龍王於虛空中吐清淨水  
高九

六

一溫一涼灌太子身普曜經云諸天釋梵  
香大王接菩薩身置金机上修行本起經云梵釋下侍四  
天大王洗浴菩薩瑞應本起經云梵釋下侍四  
龍王兄弟左雨溫水右雨冷身黃金色三十  
水釋梵天衣裏菩薩身也

二相放大光明普照三千大千世界迦維羅  
衛國三千日月萬二千天地之中央也一百萬億日月四百萬億天下三千者略舉其要

故如華戎之判非易而詳海內經云身毒之國是軒轅氏居之郭氏注云天竺國也以此而言天地中央未為甚遠後漢書云以葱嶺之外稱為九夷語其壯麗勝於中國吳越春秋云季子入周見章甫之服三代之樂云吳常之國豈有此哉推此而辨未必即地為正故當隨其時代改張不可同於中天始末

又智度論問曰何故佛作金色答曰若鐵在金邊則不現今現在金比佛在時金則不現佛在時金比闍浮那金則不現闍浮那金比定

大海中轉輪聖王道中金沙則不現金沙比金山則不現金山比須彌山金則不現須彌山金比三十三諸天瓔珞金則不現三十三天瓔珞金比燄摩天金則不現燄摩天金比梵率陀天金則不現梵率陀天金比化自在天金則不現化自在天金比他化自在天金則不現他化自在天金比菩薩身色則不現如是妙色是名金色相

又瑞應經云太子初生之時天龍八部示於虛空作天伎樂歌舞讚頌燒香散華雨衆天

衣瓔珞纊紛不可稱數又於樹下忽生四井

八功德水瑞應有三十四相不可具說

略同前三

中說十二相

降邪部第六

如瑞應經云太子初生之時是時大王即嚴

說偈言

四兵共諸臣等入園見太子奇瑞如是一喜  
一懼合掌禮諸天神前抱太子置於七寶象  
壘之上與諸群臣采女諸天作伎隨從入城  
王未識三寶即將太子往詣天祠太子即入  
梵天形像皆從坐起禮太子足而語王言大

王當知今此太子天人中尊虛空天神皆悉  
禮敬大王豈不見如是相耶云何而今來此  
禮我自淨王及諸大臣等歎未曾有即將太  
子出於天祠還入後宮普曜經云太子至祠

初生勳三千

釋梵須倫神

日月衆天王

來稽頭面禮

何有天過是

將吾到其所

超天天中天

天無比泥勝

隨俗來現此

現瑞人歡喜

若干種奉養

過聖天中天

於是天王釋梵四王各捨本位尋時來下五

體投地禮菩薩足諸天人民百千之衆默然歎嗟稱揚洪音歎未曾有歡喜踊躍天地大動天雨衆華百千伎樂不鼓自鳴諸天形像現其本身禮菩薩足則在前住於是頌曰

高九須彌比芥子 過天龍王變

八日月禮勞耶

慧德豈禮敬

三千界自歸

芥子比須彌

牛跡比大海

上尊逾日月

若能禮其尊

功福不可計

各各得安隱

德豐無限量

同應部第七

如瑞應經云當爾之時諸釋種姓亦同一日

生五百男修行本起經云國中八萬四千長者生子悉男八萬四千鹿馬生駒其一特異毛色純白駿騮貫珠故名爲塞特奴名闡特又瑞應本起經云奴名車匿馬名捷陟時王廄中象生白子馬生白駒牛羊亦生五色羔犧如是等類數各五百王子青衣亦生五百倉頭普曜經云五千青衣各生方士爾時宮中五百伏藏自然發出有諸商人從海採寶而還各賚奇珍奉貢上王諸瑞吉祥當名太子爲悉達爾時八王子亦於白淨王同生太子各懷歡喜共

制好名又佛本行經云迦維羅閻國有八城  
合有九百萬戶調達以四月七日生佛以四  
月八日生佛弟難陀以四月九日生阿難以  
四月十日生調達身長一丈五尺四寸佛身  
長一丈六尺難陀身長一丈五尺四寸阿難高九九  
身長一丈五尺三寸其貴姓舍夷長一丈四  
尺其餘國種皆長一丈三尺菩薩外家去城  
八百里姓瞿曇氏作小王主百萬戶名一億  
王菩薩婦家姓瞿曇氏舍夷長者名水光其  
婦母名月女有一城居近其邊生女之時日

將欲沒餘明照其家室內皆明因字之爲瞿  
夷晉言明女瞿夷者是太子第一夫人其父  
名水光長者太子第二夫人生羅雲者名耶  
維檀其父名移施長者太子第三夫人名鹿  
野其父名擇長者以有三婦故太子父王爲  
立三時殿殿有二萬采文三殿凡有六萬采  
文以太子當作遮迦越王故置有六萬采文  
校量部第八

如瑜伽論云四種入胎一正知而入不正知  
住出二正知入住不正知而出三俱能正知

四俱不正知初謂輪王二謂獨覺三謂菩薩  
四謂所餘有情實性論偈云  
從天退入胎 現生有父母 在家示嬰兒  
習學諸伎藝 戲樂及遊行 出家行苦行  
現就外道學 降伏於天魔 成佛轉法輪

旣遙譯人前後直就經文難可論辯考求外  
典如似可見春秋云魯莊公七年即莊王一  
十年四月辛亥恒星不見星殞如雨撫內外  
典以四月爲正也

侍養部第六

此別三部高九

述意部 養育部 善徵部

述意部第一

示導入涅槃 諸薄福衆生 不能見如來  
瑞應經云太子四月八日夜明星出時生又  
佛所行讚云於三月八日菩薩從右脇生過  
去現在因果經云二月八日夫人往毗藍尼  
園見無憂華舉右手摘從右脇出今謂世代

夫神妙寂通圓智湛照道絕於形識之封理  
畢於生滅之境形識久絕豈實誕於王宮生  
滅已畢寧假資於侍衛但大聖應生本期利

物有感斯現無幽不矚機化萬途受說非一  
或假安禪悟道或藉慧解開襟或示嬰孩扶  
侍或現乳哺資養緣悟多種不可一例此是  
誘物之能濟俗之術也

養育部第二

依佛奉行經云爾時太子既誕生適滿七日  
其太子母摩耶夫人遂便命終或有師言摩  
耶夫人壽命算數唯在七日是故命終雖然  
但往昔常有是法其菩薩生滿七日已而菩  
薩母皆取命終何以故以諸菩薩幼年出家

母見是事其心碎裂即便命終又薩婆多師  
母見生子身體端正希奇之事歡喜不勝即  
便命終命終之後即便往生忉利天上時淨  
飯王見夫人命終之後即便喚召釋種皆令  
雲集而告之言汝等眷屬並是國親今是童  
子與孩失母乳哺之寄將付囑誰教令養育  
高九十一  
使得存活誰能憐愍愛如已生時有五百釋  
種新婦彼等新婦各各唱言我能養育我能  
瞻看時釋種族語彼婦言汝等一切年少盛  
壯意貌色欲不能依時養育依法慈憐唯此

摩訶波闍波提親是童子真正姨母是故堪能將息養育童子之身時淨飯王即將太子

付囑姨母而告之言善來夫人如是童子應當養育善須護持應令增長依時澡浴又別簡取三十二女令助養育以八女人捉抱太

子以八女人洗浴太子以八女人令乳太子以八女人令其戲弄是時摩訶波闍波提白淨飯王言謹依王勅不敢乖違

善徵部第三

又佛本行經云從太子出生已來淨飯王家

日日增長一切財利金銀珍寶二足四足無所乏少而說偈言

五穀及財寶 金銀諸衣服 或造或不造自然得充足 童子及慈母 乳酪酥常豐慈母少乳者 恣皆得盈溢

時淨飯王所有怨讐自然皆悉生平等心已漸生親厚同一心意風雨隨時無諸災雹亦無擾亂少種多收一切人民如法而行種種布施作諸功德人無枉橫皆並歡喜猶如天上無有差殊以太子威德力故如是諸事莫

不成就如偈所說

人世順尊教 不怪亦不惜 無不如法行

慈心不起然

飢渴既得解

飲食皆充足

一切悉歡喜 並受如天樂

又普曜經云菩薩生已七日其母命終受忉

高九

十三

利天上福相適昇彼天五萬梵天各執寶瓶  
高九

述意部第一

校量部 百福部

二萬梵魔妻手執寶綫侍菩薩母又瑞應本  
起經云菩薩本知母人之德不堪受其禮故  
因其將終而從之生又大善權經云生後七  
日其母薨福應昇天非菩薩咎又因果經云

太子姨母摩訶波闍波提乳養太子如母無異

占相部第七此別八部

述意部 現相部

勑占部 業因部 同異部

呈恭部

聖道相因地中三千既殊於洛邑國朝八萬有逾於稽嶺宗親藉甚孰可詳焉繼呂公之相高帝世謂知人若私陀之視吾師未可同日較其優劣昇沉有異也

勑占部第二

高九

十三

如瑞應經云爾時白淨王令訪得五百聰明相師令占太子相師言是王之子乃是世間之眼猶如真金有諸相好極為明淨若當出家成一切種智若在家者為轉輪聖王領四天下第一之最又白王言有一梵仙名阿私

陀具足五通在於香山彼能為王斷於疑惑時王心自思惟香山途路嶮絕非人能到當以何方請來至此王作念時阿私陀仙遙知其意騰空而來為王相之王見來已喜慰不可言王及夫人抱太子出欲禮仙人時仙人止王曰此是天人三界中尊云何而令禮於我耶時彼仙人即起合掌禮太子足王及夫人白仙人曰唯願善相太子仙人相已忽然悲泣不能自勝王及夫人見彼仙悲泣舉身戰怖生大憂惱如大波浪動於小船即問仙

人我子有何不祥而悲泣耶答言太子相好具足無有不祥但恨我今年壽已百二十不

久命終生無想天不覩佛興不聞經法故自悲耳若有衆生具三十二相或生非處久不明顯此人必爲轉輪聖王若三十二相皆得其處又復明顯此人必成一切種智我今觀大王太子諸相皆得其所又極明顯是以決定知成正覺仙人爲王說此語已辭別而退又佛本行經云大王我今自慨年耆根熟衰朽老邁當於爾時不得覩見失此大利是故

我今悲惋自傷非彼不吉即爲大王而說偈

言

自恨我有大顛倒 不值此當得道時

空過一生無所聞 豈非是我失大利

我今年老根純熟 死時將至不復賒

念此生分得遭逢 所以一喜一憂懼

高九

十四

大王釋種方興盛 誕此童子福德人

一切諸苦逼世間 此悉能令得安樂

呈恭部第三

依佛本行經云是時摩耶詣童子所至已持

手抱童子頭令向仙人擬令禮拜仙人之足  
是時童子威德力故其身自轉足向仙人時  
淨飯王更復共扶迴童子頭令拜仙人童子  
力故足還自轉向彼仙人時淨飯王復迴童  
子頭向仙人還復轉足如是至三其阿私陀  
遇見童子是時童子放常光明照觸大地童  
子威德端正可喜色純黃金頭如寶蓋鼻直  
而圓脩臂下垂支節正等無缺無減具足莊  
嚴時阿私陀即從坐起白於王言大王莫將  
童子聖頭迴向於我何以故彼頭不合頂禮

我足我頭應當頂禮彼足復唱是言希有希  
有大人出世最大希有大人出世我本從天  
所聞者即此童子真實定是如彼不異時阿  
私陀整理衣服偏袒右臂右膝著地伸其兩  
手抱持童子安其頂上還復本座本座坐已  
還下童子置於膝上

現相部第四

如佛本行經云時淨飯王復白仙言大師我  
意欲令我子常在云何方便及令幼年勿使  
捨我阿私陀仙復白王言大王我實不能專

正決定說是方便令作障礙時淨飯王復語  
仙人作如是言大師善聽我今當作種種方  
便設方便已不令我子從今幼稚及到盛年  
不聽暫離捨我出家阿私陀仙即問王言大  
王今者因何事故說如是語時淨飯王報彼  
仙人阿私陀言尊師嘗知如我國內所有相  
師皆語我言若是童子在家當作轉輪聖王  
以是因緣我如是語阿私陀仙復白王言大  
王當知彼等相師皆大妄語何以故如是勝  
相非是轉輪聖王之相今此童子有百善相

八十隨形挺特殊好分明炳著皆悉具足時  
淨飯王問仙人言大師何等是八十隨形好  
時阿私陀具白王言具說八十種好文殊故經今依勝天王經說故

勝天王經佛自說云八十種好者一無能見  
頂二頂骨堅實三額廣平正四眉高而長形  
如初月紺瑠璃色五目廣長六鼻高圓直而  
孔不現七耳厚廣長墮輪成就八身堅實如  
那羅延九身分不可壞十身節堅密十一合  
身迴顧猶如象王十二身有光明十三身調  
直十四常少不老十五身恒潤澤十六身自

將衛不待他人十七身分滿足十八識滿足  
十九容儀具足二十威德遠震二十一一切  
向不背他二十二住處安隱不危動二十三  
面門如量不大不長二十四面廣而平二十  
五面圓淨如滿月二十六無憔悴容二十七  
高九  
十六

進止如象王二十八容儀如師子王二十九  
行步如鵝王三十頭如摩陀那果三十一身  
色潤淨四十九身毛右旋五十口出無上香  
身毛皆爾五十一脣色潤澤如頻婆果五十  
二脣潤相稱五十三舌形薄五十四一切樂  
觀五十五隨衆生意和悅與語五十六於一  
切處無非善言五十七若見人先與語五十  
八手文直三十九手文不斷四十手足如意  
四十一手足紅白色如蓮華四十二孔門相  
具四十三行步不減四十四行步不過四十  
五行步安平四十六齊深厚狀如盤蛇團圓  
右轉四十七毛色青紅如孔雀項四十八毛

八音聲不高不下隨衆生樂五十九說法隨衆生語言六十說法不著六十一等觀衆生六十二先觀後作六十三發一音答衆聲六十四說法次第皆有因緣六十五無有衆生能見相盡六十六觀者無狀六十七具足一切音聲六十八顯現善色六十九剛強之人見則調伏恐怖者見即得安隱七十音聲明

高九  
十七

光色潤澤猶如青珠七十九手足滿八十手足德字依佛說寶女經云於是寶女問世尊曰如來有三十二大人之相前世宿命行何功德而致是相遍布于體佛告寶女吾往古世行無量德合集衆行由得是相遍于身體今粗舉要如來之相足安平立大人相者乃往古世堅固勸助而不退轉未曾覆蔽他人功德故如來手足而有法輪大人相者乃往古世興設若干種種施故如來至真指纖長好大人相者乃往古世剖說經義救護衆生

令無患故如來手足生網縵理大人相者乃往古世未曾破壞他人眷屬故如來手足柔軟微妙大人相者乃往古世而以惠施若干種衣細軟服故如來而有七合充滿大人相者乃往古世廣設衆施供諸乏故如來之膝平正無節蹲勝如鹿大人相者乃往古世奉受經典不違失故如來之身其陰馬藏大人相者乃往古世謹慎已身遠色欲法故如來世廣修淨業修行備故如來至真常於胷前

自然卽字大人相者乃往古世蠲除穢濁不善行故如來支體具足成就大人相者乃往古世施以無畏安慰人故如來手臂長出於膝大人相者乃往古世人有作事佐助勸故如來身淨而無瑕疵大人相者乃往古世奉行十善無眾足故如來腦戶充滿弘備大人相者乃往古世其有病者施若干種藥瞻視高九  
十八療故如來師子頰大人相者乃往古世植衆德本具足備故如來具四十齒白齊密大人相者乃往古世志性等仁於衆生故如來牙

齒無有間疎大人相者乃往古世諫人諍鬪  
令和合故如來頰牙大人相者乃往古世則  
以微妙可意之物而施與故如來清白美好  
髮眉大人相者乃往古世善自護已身口心  
故如來廣長舌大人相者乃往古世出言至  
誠護口之過故如來疊疊大人相者以無量  
福供養究竟心行仁和與衆生願使得覆蓋  
故如來梵聲哀戀之音大人相者乃往古世  
言語柔和與衆人言護口節辭無央數人聞  
其所語無不悅故如來瞳子如紺青色大人

相者乃往古世常以慈目察衆人故如來之  
眼如月初生大人相者乃往古世無麁暴志  
心性和順故如來眉間白毫大人相者乃往  
古世咨嗟歌誦開居之德衆行故如來頂上  
肉髻自然大人相者乃往古世奉敬賢聖禮  
尊長故如來肌體柔軟妙好大人之相者乃  
往古世高九心念合集法品藏故如來身形紫磨  
金色大人相者乃往古世多施衣服卧具牀  
故如來之體一一毛生大人相者乃往古世  
離於集會衆聞之故如來之毛向上右旋大

人相者乃往古世尊敬於師受善友教稽首

從故如來頭髮如紺青色大人相者乃往古

世愍傷群黎不以刀杖而加害故如來之身  
平正方圓無有斜曲大人相者乃往古世已

身衆生勸化安之令定意故如來之眷如大  
鉤鎖善有威曜巍巍之德大人相者乃往古

世爲諸正覺興立形像繕修壞寺其離散者  
勸使和合施無畏懼其諍訟者化令相順故  
汝欲知之吾往世時行於無量不可計會衆  
德之本故如來宿世奉行如斯乃能致此三

十二大人之相也

如第二十二梵聲相中依新婆沙論云如來  
梵聲相謂佛於喉藏中有妙大種能發悅意  
和雅梵音如羯羅頻迦鳥及發深遠雷震之  
聲如帝釋鼓如是音聲具八功德一者深遠  
二者和雅三者分明四者悅耳五者入心六  
者發喜七者易了八者無狀

大智度論云如來有梵聲相如梵天王五種  
聲而從口出一甚深如雷二清徹遠聞聞者  
悅樂三入心敬愛四諦了易解五聽者欲聞

無量菩薩亦有如是五種聲從口中出迦陵  
毗伽聲相可愛如大鼓音深遠

又新婆沙論問相是何義答標幟義是相義  
殊勝義是相義祥瑞義是相義問何故丈夫  
相唯三十二不增不減耶脇尊者說曰若增  
高九  
若減俱亦生疑不違法相說有三十二者世  
間共許是吉祥義數不增減若三十二相莊  
嚴佛身則於世間最勝無比若當減者便有  
關少若更增者則爲雜亂皆非殊妙故唯爾  
所三十二丈夫相也

又智度論問是三十二相三業之中何業種  
耶答曰是意業非身口業是意業利故又六  
識中是意識非五識以五識不能分別故問  
曰是三十二相幾時能成種答曰極遲百劫  
極疾九十一劫釋迦牟尼菩薩九一大劫  
行辦得三十二相如經中言過去久遠有佛  
名弗沙時有二菩薩一名釋迦牟尼一名彌  
勒弗沙佛欲觀釋迦牟尼菩薩心純熟未即  
觀見之知其心未純熟而諸弟子心皆純熟  
又彌勒菩薩心已純熟而弟子未熟是時

弗沙佛如是思惟一人之心易可速化衆人  
之心難可疾治如是思惟竟弗沙佛欲使釋迦菩薩疾得成佛上雪山上入寶窟中入火禪定是時繹迦菩薩作外道仙人上山採藥見弗沙佛坐寶窟中入火禪定放光明見已心生歡喜信敬翹一腳立叉手向佛一心而觀目未曾瞬七日七夜以一偈讚佛

天上天下無如佛 十方世界亦無比

世界所有我盡見 一切無有如佛者  
七日七夜諦觀世尊目未曾瞬超越九劫於

九十一劫中得阿耨菩提釋迦菩薩貴其心思不貴多言若更以餘偈讚佛心或散亂是故七日七夜以一偈讚佛問曰何故釋迦菩薩心不純熟而弟子純熟彌勒菩薩自心純熟而弟子不純熟耶答曰釋迦菩薩饒益衆生心多自爲身少故彌勒菩薩多爲已身少爲衆生故

業因部第五

如得無垢女經云佛言菩薩成就四法得三十二丈夫相何等爲四一把金散佛或散浮

圖二常以香油塗如來塔三種種華香伎樂  
布施四眷屬相隨供養和尚阿闍黎等爾時  
世尊而說偈言

把金散浮圖

香油塗佛塔

施以華香樂

敬心供養師 行如是四法 得三十二相

端正甚奇妙 一切功德具

菩薩成就四法得八十種好何等爲四一種  
菩薩成就是四十種好何等爲四一種  
菩薩成就是四十種好何等爲四一種  
菩薩成就是四十種好何等爲四一種

爾時世尊而說偈言

妙衣嚴法座 供養他不倦 教衆生菩提  
易得八十好 善薩修行此 四種功德故  
常於一切時 有勝相莊嚴

同異部第六

如新婆沙論問八十隨好爲在何處答在諸  
相間隨諸相轉莊嚴佛身令極妙好問相與  
高九隨好不相障奪耶答不爾相與隨好更相顯  
發如林中華顯發諸樹佛身如是相好莊嚴  
十一又如金山衆寶雜飾問菩薩所得三十二相  
與輪王相有何差別答菩薩所得事勝一

熾盛二分明三圓滿四得處復有五事勝一  
得處二極端嚴三文像深四隨順勝智五隨  
順離染

校量部第七

佛阿毗曇經云以一千阿僧祇世界衆生所  
有功德成佛一毛孔如是成佛一毛孔功德  
遍如來身毛孔功德成佛一好如是成就八  
十種好功德增爲百倍乃成如來身上一相  
所成就三十二相功德增爲千倍乃成如來  
額上一白毫相以一千毫相功德增爲百倍

乃成如來一頂骨相一切飛天所不能見頂  
如是不思議清淨功德聚成就佛身是故如  
來於天人中最爲尊勝

百福部第八

依優婆塞戒經云佛言善薩修一一相以百  
福德而爲圍繞修心五十具思心五十是則  
名爲百種福德善男子一切世間所有福德  
高九  
不及如來一毛功德如來一切毛孔功德不  
十三  
如一好功德聚合八十種好功德不如一相  
功德一切相功德不如白毫相功德白毫相

功德復不及無見頂相功德是故如來成就具足無量功德是三十二相即是大悲之果報又新婆沙論問如契經說佛一一相百福莊嚴何謂百福答此中百思名爲百福何謂百思謂如菩薩造作增長足善住相業時先

起五十思修治身器令淨調柔次起一思正牽引彼後復起五十思令其圓滿譬如農夫先治畦籬次下種子後以糞水而覆溉之彼亦如是始足善住相業有如是百思莊嚴乃至頂上烏瑟臘沙相業亦復如是由此故說

佛一一相百福莊嚴問何者五十思耶答依十業道各有五思謂依離業道有五思一離殺思二勸導思三讚美思四隨喜思五迴向思謂迴所修向菩提故乃至正見亦爾是名五十思有說依十業道各起下中上上勝上極五品善思如雜修靜慮有說依十業道各起五思一加行淨二根本淨三後起淨四非尋所害五念攝受有說緣佛一起五十剎那未曾習思相續而轉問如是百福一一量云何有說若業能感轉輪王位於四大洲自

在而轉是一福量有說若業能感天帝釋位  
於二天衆自在而轉是一福量有說若業能  
感他化自在天王位於一切欲界天衆自在  
而轉是一福量有說若業能感大梵天王位  
於初靜慮及欲天衆自在而轉是一福量有  
高九  
說婆訶世界主大梵天王勸請如來轉法輪  
廿四  
說婆訶世界主大梵天王勸請如來轉法輪  
福是一福量問彼請佛時是欲界繫無覆無  
世界是一福量有說除近佛地菩薩餘一切  
世界是一福量有說除近佛地菩薩餘一切  
有情所有能感富樂果業是一福量有說此  
記心云何名福有說彼住梵世欲來請時先  
起如是善心我當為諸有情作大饒益請佛  
轉法輪爾時即名得彼梵福此不應理所以

者何非未作時已成就故如是說者彼請佛  
已還至梵宮後世尊轉法輪時地神先唱如  
是展轉聲徹梵宮梵王聞已歡喜自慶發純  
淨心而生隨喜爾時乃至成就此福有說世  
界成時一切有情業增上力能感三千大千  
世界是一福量有說除近佛地菩薩餘一切  
有情所有能感富樂果業是一福量有說此  
中一一福量應以喻顯假使一切有情皆悉  
生盲有一有情以大方便令俱得眼彼有情  
福是一福量復次假使一切有情皆飲毒藥

閼亂將死有一有情今皆除毒心得醒悟彼  
有情福是一福量復次假使一切有情皆被  
縛錄臨當斷命有一有情俱令解脫一時得  
命彼有情福是一福量復次假使一切有情  
壞戒壞見有一有情能令俱時戒見具足彼

所說廣大量福具足滿百莊嚴一相展轉乃  
至三十二相皆具百福佛以如是三十二百  
福莊嚴相及八十隨好莊嚴其身故於天上  
人中最尊最勝

遊學部第九此別四部

高九  
五五  
有情福是一福量評曰如是說所說皆是純  
淨意樂方便讚美菩薩福量然皆未得其實

如實義者菩薩所起一一福量無量無邊以

菩薩三無數劫續集圓滿諸波羅蜜多已所  
引思願極廣大故唯佛能知非餘所測如是

述意部      召師部      持力部  
校量部

述意部第一

竊聞一切種智號悉達多樹自三祇之初獨  
高百劫之末總法界而爲智竟虛空以作身

然身無不在量極規矩之外智無不爲用絕思議之象不可以人事測豈得以處所論將啓愚夫之視聽須示聖人之影迹或復示居外道或復現作童蒙應同類而誘凡隨異形而化物然後稱無上士號天中天良由愚智

普通凡聖難測不思議德而功莫大焉

召師部第二

如佛本行經云時淨飯王知其太子年已八歲因果經云  
年至七歲即會百官群臣宰相而告之言卿等當知今我化內誰最有智智能悉通堪

爲太子作師諸臣報言大王當知今有毗奢婆塞多羅善知諧論最勝最妙如是大師堪教太子略述已下王即遣召而告之言尊者大師能教我太子一切技藝諸書論不時塞多報言大王謹依王命我今甚能心生歡喜即嚴五百釋種童子高九前後左右別有無量無邊童男童女隨從太子將昇學堂時彼大師遙見

升下

太子威德力故不能自禁遂使其身從座忽起屈身頂禮於太子足禮拜起已四面顧視生大羞慚時塞多羅生慚愧已於虛空中有

一天子名曰淨妙從兜率宮共於無量無邊  
最大諸天神王恒常守護太子在彼虛空隱  
身不現而說偈言

世間諸技藝 及餘諸經論 此人悉能知  
亦能教示他 是勝衆生者 隨順世間故  
往昔久習來 今示從師學 出世所有智  
諸諦及諸力 因緣所生法 生已及滅無  
一念知彼等 名色現不現 猶尚能證知  
況復諸文字

還本宮爾時太子即初就學將好最妙牛頭  
栴檀作於書板純用七寶莊嚴四緣以天種  
種殊特妙香塗其背上執持至於毗奢蜜多  
羅阿闍梨所而作是言尊者闍梨教我何書  
自下太子廣為說書或復梵天所說之書今婆羅門書  
高九正有十四音  
是佉盧風吒書此言大言驅脣富沙迦羅仙人說書言此  
華果泰國書阿迦羅書此言大言分晝伽羅書此言吉祥邪寐尼書  
此言大言鴦瞿梨書此言耶那尼迦書此言婆  
此言大言波羅婆尼書此言樹葉波流沙書此言娑  
此言大言惡父與書毗多茶書此言陀毗茶國書此云南天

茲羅低書此言度其差那婆多書右旋優波伽書此言僧佉書此言阿婆勿陀書此言阿僕盧摩書此言毗耶寐奢羅書此言陀羅多書鳥場西瞿耶尼書須彌阿沙書疏支那國書即此國也摩那書科末茶又羅書中毗多悉底書天富數波書華提婆書天那伽書龍夜叉書乾闥婆書天音阿脩羅書不欲迦婁羅書金翅緊那羅書非摩睺羅伽書地彌伽遮迦書諸迦迦婁多書烏音浮摩提婆書天安多梨又提婆書虛空欝多羅拘盧書須彌

連婁婆毗提訶書須彌烏差婆書舉賦差波書拂娑伽羅書海跋闍羅書金梨伽波羅低梨伽書往毗棄多書食阿僕浮多書未曾奢婆多羅跋多書如伏伽那那跋多書轉優差波跋多書舉尼差波跋多書拂波陀梨佉書上毗拘多羅波陀那地書從二增耶婆陀輸多羅書增上末茶婆嚙尼書中梨沙邪婆多波恆比多書諸陀羅尼卑叉梨書親伽伽那卑麗又尼書觀薩蒲沙地尼山陀書草因一切藥覽薩婆常多書一切

音種

爾時太子說是書已復諮塞多阿闍黎言此書凡有六十四種未審尊者欲教我何書是時多羅聞於太子說是書已內心歡喜悅豫熙怡密懷私慚折伏貢高我慢之心向於太子而說偈言

高九  
廿八

希有清淨智慧人 善順於諸世間法  
自己該通一切論 復更來入我學堂  
如是書名我未知 其本悉皆誦持得  
是爲天人大尊尊 今復更欲見於師

夫神理無聲因言辭以寫意言詞無跡緣文字以圖音故字爲言諦言爲理筌音義合符不可偏失是以文字應用彌綸宇宙雖跡繫翰墨而理契乎神昔造書之主凡有三人長名曰梵其書右行次曰怯盧其書左行少者蒼頡其書下行梵怯盧居于天竺黃史蒼頡在於中夏梵怯取法於淨天蒼頡因華於鳥跡文畫誠異傳理則同矣仰尋先覺所說有六十四書鹿輪轉眼筆制區分龍鬼八部字體殊式准梵及怯盧爲世勝文故天竺諸國

謂之天書西方寫經同祖梵文然三十六國往往有異譬諸中土猶有篆籀之變體乎按蒼頡古文沿世代變古移爲籀籀遷爲篆篆改成隸其轉易多矣至於傍生八體則有仙龍雲芝二十四書則有楷草鍼文名實雖繁高九  
廿九

爲用益妙然原本定義則體備於六文適時爲敏則莫要於隸法東西之書源亦可得而略究也

釋名爲善覺其子名舜提婆忍天堪教太子兵戎法式其所解知一切凡有二十九種善巧妙術已下略而不述忍天向王云臣甚能教王爲太子欲遊戲故造一園苑名曰勤劬是時太子入彼苑內遊戲或令按摩時彼五百釋種臣悉爲其兒古先一切書典教於太子及自釋子亦如是教又復世人積年累月所學問者或成不成太子能於四年之中及餘釋種皆悉學得通達無礙一切自在是時忍天即爲太子而說偈言

又佛本行經云時淨飯王復集群臣言何處有師最便武技教我太子諸臣報王此處有

汝於年幼時 安詳而學問 不用多功力  
須臾而自解 於少日月學 勝他多年歲  
所得諸技藝 成就悉過人

爾時太子生長王宮核童之時遊戲未學年  
滿八歲出問諸師入於學堂從審多及忍天  
所二大尊邊受讀諸書并一切論兵戎雜術  
經歷四年至十二時種種技能遍皆涉歷既  
通達已隨順世間悅目適心曾於一時在勤  
劬園邊遊射戲自餘五百諸釋種童子亦各  
在其自己園內嬉戲時有群鴈行飛虛空是

時童子提婆達多彎弓而射即着一鴈其鴈  
被射帶箭遂墮悉達園中時太子見彼鴈帶  
箭拔傷墮地見已兩手安徐捧取已跏趺安  
鴈膝上以妙滑左手擎持右手拔箭即以酥  
蜜封其瘡是時提婆達多遣使來語太子言  
我射一鴈墮汝園中宜速付來不得留彼是  
高九時太子報使人言鴈若命終即當還汝若不  
死者終不可得時提婆達多復更重遣使人  
語言若死若活快須相還我手於先善攻射  
得云何忽留太子報言我已於先攝受此鴈

所以然者自我發於菩提心來我皆攝受一切衆生況復此鴈而不屬我以是因緣即便相競聚集諸釋宿老智人判決此事是時有一淨居諸天變化作老宿長者入釋會所而作是言誰養育者即是攝受射著之者即是放捨時彼諸釋宿老諸人一時印可高聲唱云如是如是如仁者言此是提婆達多童子共於太子最初構結怨讐因緣

捕力部第三

如因果經云太子至年十歲與兄弟捕力與

萬眷屬將欲出城于時有一大象當城門住諸人皆不敢前捉婆達多以手搏頭即便躰地難陀以足指挑擲著路傍太子以手執象擲著城外還以手接不令傷損象又還時諸人民歎未曾有深生奇特四遠人民百千萬億皆集來看園中有七重金鼓銀鼓鑪石銅鐵等鼓各有七枚提婆達多最先射之微三金鼓次及難陀亦微三鼓太子嫌弓弱取庫內祖王一良弓無能張者太子在坐以手

高九

卅一

聲嗟歎以放一箭徹過諸鼓然後入地泉水  
流出又徹過大鐵圍山

又佛本行經云是時太子所射之箭天主帝  
釋從虛空中秉執將向三十三天至天上已

爲此箭故於彼天中建立箭節常以吉日諸

天聚集以諸香華供養此箭乃至於今諸天  
猶有此箭節日又太子執箭一射便穿七鐵  
猪過七鐵猪過已彼箭入地至於黃泉其箭  
所穿入地之處即成一井於今人民常稱箭  
井又太子共諸釋種相撲並皆卧地其體不

傷又一切釋種一時共撲太子太子以手觸  
彼皆悉倒地爾時彼釋及諸看衆皆生奇特  
之心於上虛空無量諸天同以一音而說偈  
言

十方一切世界中 所有勇健諸力士

悉皆力敵如調達

不及太子聖一毛

大人威德力無邊

暫以手觸皆倒地

聖者威神力廣大

汝等云何欲比方

假使不動須彌山

大小鐵圍甚牢固

并及十方諸山等

一觸能碎如微塵

鐵等強鞭金剛珠 及以諸餘一切寶  
大智力能末如粉 況復撲此少力人

爾時諸天說此偈已將諸種種天華散太子  
上於虛空中隱身不現時淨飯王知其太子  
所有技能皆悉勝彼一切諸人自既眼見踊

高九

大二

躍喜歡勑喚白象瓔珞莊飾令太子乘將入  
城內從城門出是時提婆城外而入見此白  
象而問人言此象誰許欲將何處其人報言  
欲將出城擗悉達乘欲入城內提婆達以姊  
嫉故便以左手執於象鼻右手築額一下倒

地宛轉三匝遂即命終白象卧地塞彼城門  
衆人往來不通出入道路填咽不能得行復  
有童子名曰難陀相續而來問知事已即以  
右手執彼象尾牽取離門可行七步許太子  
復問誰牽離門衆人言難陀太子言善哉難  
陀作事善也太子思惟彼等二人雖能示現  
其自氣力但此象身甚大麤壯於後壞爛臭  
熏此城門以左手舉象以右手承從於空中  
擗置城外越七重牆度七重塹既擗過已離  
城可有一拘盧奢而象墮地即成大坑乃至

今者諸人相傳名於此處爲象墮坑即此是  
也爾時上至百千衆生一時唱言希有奇特  
未曾聞聞而說偈言

調達候無白象已

難陀七步牽離門

太子手擎在虛空高九如以土塊擲城外

集一切福德三昧經云爾時毗耶離大城有  
大力士名曰淨威德成就大力闇浮提中所  
有衆生無有等者聞沙門瞿曇成就十力那  
羅延身復作是念我當往觀沙門瞿曇何如  
我也即往佛所初覩如來得大信樂禮如來

足一心觀佛世尊知已心欲降伏即告目連  
汝往取吾昔菩薩時爲妙瞿夷釋種擒力時  
箭目連白佛不知何處爾時世尊從右足放  
光遍照三千世界之下大金剛輪箭在彼堅  
住佛告目連汝見箭不目連白言已見佛告  
目連汝取持來時大目連即下至彼如屈伸  
臂頃一切大衆皆見其去即使持來授與如  
來佛言此父母生力非神通力若以神通之  
力是箭即過無量無邊諸佛世界

校量部第四

如集一切諸功德三昧經云佛告目連如一切四天王中一切天子力等一天王力十天王力等三十三天中一天子力一切三十三天中天子力等一帝釋力十帝釋力等餽摩天中天子力一切餽摩天中天子力等一天子力一切餽摩天中天子力等一

一天子力一切他化自在天中天子力等一他化自在天王力十他化自在天王力等一魔天中一天子力一切魔天中天子力等一魔王力十魔王力等半那羅延力十半那羅延力等一那羅延力十那羅延力等一大那羅延力十大那羅延力等一百劫修行菩薩力十百劫修行菩薩力等一千劫修行菩薩力如是已下展轉十重加之乃至十方千千萬劫修行菩薩力等一無生法忍菩薩力十無生法忍菩薩力等一十地菩薩力十

高九

卅四

地菩薩力等一最後身菩薩力是故目連菩薩成就如是力故生便即能行於七步若此世界佛不持者便壞不住何以故菩薩當其生已行七步時此界大地縱廣六十千由旬菩薩生已當下足時便當都沒深百千由旬還舉足時復當涌出百千由旬以佛持故令是世界不動無壞衆生無惱最後身菩薩始初生時則便具有如是力假使一切世界衆生悉得具足垂成菩提菩薩之力補於如來處非處智力百千萬億分不及其一乃至算

數譬喻所不能及得具如是十種之力名為如來應正遍覺此中不明菩薩通力若用通力能以恒沙世界置於足指一毛端上擲過無邊恒沙世界如是往來不令衆生有於苦惱如是神力不可稱量不可數知若當如來盡現通力者汝等聲聞尚不能信況餘衆生爾時淨威力士聞說菩薩父母生力聞已驚恠身毛皆豎生希有心憍慢皆滅歸依三寶發無上心

法苑珠林卷第九

音釋

焜余六切

焜也

柂戈支切

柂木架也

塗七體切

塗坑也

孕以哿切

孕懷姑也

薨呼弘切

薨死弘也

廸居祐切

廸也

駿晉贊切

駿驥也

駿驥馬也

蹠市充切

蹠也

蹠不墮意

蹠不墮意

蹠不墮意

戶圭切

戶也

渙古代切

渙滌也

渙滌也

普莫中切

普中也

唔西式切

唔西式

侈尺紀切

侈尺紀也

支市朱切

支少也

支息涉切

支更魚孟切

支革堅也